



Civibus & tocius territorii incolis nil penitus agere & disponere habeant nec ipsos occasione poprawi vel Czude boemicalis non evocent aliqualiter aut perturbent cum iurisdictioni huiusmodi non debeant imposterum subditi nec parere sed si cuipiam aliquid actionis quocunque modo competierit casu qualicunque emergente id coram nobis seu Capitaneo nostro regni boemie qui pro tempore fuerit nobis in regno nostro non exstantibus iuxta dictorum nostrorum militum & vasallorum actenus aprobatam & observatam consuetudinem quibus ipsos contra insultus & vexaciones quorumcunque impugnancium volumus utique conservare exigat & requirat harum nostrarum & testimonio litterarum quibus Sigillum nostre maiestatis est appensum. Datum Parusuis quarta feria post conuersionem beati Pauli Apostoli proximo anno Milesimo trecentesimo quadragesimo.

*Ex Archiv. Trutnow.*

*Num. III.*

**N**os Johannes Dei gracia Rex boemie ac Comes Lucemburgensis notum facimus universis quod cupientes fidelibus nostris dilectis civibus & incolis civitatis nostre Curie ob expositas nobis condiciones gravissimas paupertatum suarum & dispendia plurimaque de anno preterito in Combustione Civitatis ipsius per ignis voraginem sustulerunt de benignitate regia gratiam facere specialem ipsis in communi & speciali tam presentibus quam futuris inibi habitatoribus ne ad aliquas dacias colectas & impositiones angarias exacciones aut subsidium pecuniale aut aliud genus exactionis nisi ut infra dicitur cogi, compelli & arceri quoquo modo per aliquem hominem cuiuscunque dignitatis status aut condicionis existat successuris temporibus